

23

中國名山勝蹟志叢刊
沈雲龍教授主編

峨

山

圖

K928.3/24

大
學
版
出

中國名山勝蹟志 第三輯
沈雲龍主編

峨 山 圖

志

譚鐘嶽著

文海出版社
有限公司印行

峨山圖說

光緒辛卯夏

峨山圖說

顧澐初潛安題

義山志圖說序



凡志首重圖說而山志爲最蓋郡縣志計里開方紀其廣輪贏縮方隅繡錯詳于山川險要道路津梁得守土者展卷瞭如指寇則既要設防捕盜則刻期立至此其大略也而山志公疊

嶂層巒橫峯似頰峭壁撐空激湍
截地綿亘數百里或之跡不能到亦
目力不能窮倘以意揣必莫之莫量
後有識者徒滋訾笑峨為蜀名山
而不列祀典光緒乙酉結督丁巳
疏請春秋致祭奉

昔俞允明年獲理紙牘游公迺遠教補道
黃君縵笑有事於歲至則壇場寺
觀法存佛像而山神之廟闕然搜
取舊志以缺略雖多於遊公籌款建
廟於山麓并制祭器以供望祀而黃君
毅始以纂脩山志為己任譚君時峰

工繪事以圖委之廖君望重得輯說又
明年而黃君卒圖未及半說亦未成何
志事之難耶於是游公憫有志之未成
也復使譚窮生圖繼叢梯嶺之所叢
山者累月凡為圖六十有四補舊志所未
及者十之七八廖仍為之說按新圖稽舊

同而數月而竣事而游只允實至余善也謂余
分巡建南峨為為境總脩之責幸而新禧
于難也蓋其慎矣余於是披圖索廩詳加
考證刪訂于統衷諸一是不敢自以為功持不
方游只命亦已既刻而又余為之序余惟
山祀始於丁公而游為之序山志始於黃君而

游之成國公譚子芳統心廢之續余何
力之有為余竊喜國沈生而願往者可為
光榮未至者可謂外遊既經者如逢故境
一舉而三得豈非一大快事都余故
樂為之序

光緒十四年歲次戊子冬十月善化

黃初憲書於建昌道署



此序作於建南曰游公書來謂譚國憲
說不可沒其勳勞故序并及之余旋省
渡回鄉諸君以謂說本譚君始嶠口
授黃君綬芟原稿庶特修飾之耳以

序言為失實是則游公之故也昔識於序
後以補余過且免後來作刊謬多著識
語也

光緒十五年春二月初吉初愈又識



峩山記

峩眉山者西蜀之雄鎮高百餘里相傳爲普賢道場梵林如櫛最著者爲伏虎善覺報國萬年靈巖天門仙峯諸寺其他如大坪洪椿長老太子雷洞諸坪清音閣華嚴頂洗象池沉香塔銅鐵瓦錫金祖諸殿莫不稱大觀焉其間峯巒層疊若玉女若寶掌若鸞鷟若獅駝若筍若蓮若爐若鉢備極崢嶸石有亮光太子大峩天門魚兜蓮花聖鐘法船飛劍象鼻牛心仙人羅漢太湖等名形似物似者不可指數橋有雙飛仙女七天涼風無懷鐵索木棧石梁凡橫流斷壑皆藉以通水有黑白雙溪龍門倒峽瀑布飛崖諸噴泉險有鵜鴟鑽天猴子坡蛇倒退長壽坡放光坡壽星坡羅漢坡陡

曲而滑洞有九老三仙雄黃鬼谷伏羲女媧左慈龍門豬肝爛柯
紫芝桂花三魑及無名號者凡千百草木有杪欒樹浮屠松菩薩
藤木芙蓉木涼繖及一切奇花異草多莫能名禽有迦陵異鳥飛
翔上下其鳴佛現了獸有人熊虎狼質頗小者其鳴陀佛人以比
邱字之蟲有蛙鳴聲韻如琴有大蟬園可三尺長十丈許鱗甲晶
瑩稱之曰龍居士有蜥蜴方首五爪藏水石間目爲龍子氣候則
陰晴不定變幻萬千卽如雪有千年積雷有掃殿期雨冰雹有人
聲而卽至者良可怪也其中古蹟若軒轅訪道處涪翁習靜處蒲
氏老人村東坡摩崖字右軍河南碑皆不足奇所異者金頂祖殿
懸巖絕壁處朝夕雲海霧氣忽聚忽散每至未刻兜羅綿雲布滿

巖下現圓光一團邊分五色七層間暈爲佛光如鏡覩者自見其
形爲攝身光遠者爲水盆光有氣如虹橫亘數里兩端紫雲捧之
爲金橋奇觀哉夜有燈光燐燐飛滿崖壑爲萬盞神燈朝普賢此
更不可思議真福境也余攀躋越半載索險探幽身歷神會尤見
瓦屋青城天竺雪嶺玉壘岷江若礪若帶數萬里奔來眼底者竊
歎此山形勝甲天下耳遂竭耳目心思摹其圖而並爲之記

衡山譚鍾嶽晴峯圖并識

